

MAHASISWA TURUN PADANG: PROGRAM MOTIVASI KECEMERLANGAN DI SMK BELURAN

Tanggal 11 - 13 Julai 2008 menyaksikan seramai 33 orang mahasiswa dan mahasiswi yang sedang mengikuti program Ijazah Sarjana Muda Perniagaan (Kewangan & Perbankan) telah mengadakan bakti khidmat kemahasiswaan di SMK Beluran, Sandakan sebagai sumbangan mereka kepada masyarakat khususnya pelajar-pelajar yang akan menduduki peperiksaan penting pada tahun ini. Motivasi kecemerlangan ini merupakan satu program yang dianjurkan oleh Kelab Pengurusan Kewangan dan Perbankan SPE, Universiti Malaysia Sabah khususnya kepada pelajar-pelajar sekolah Menengah di Beluran, Sabah. Sinonim dengan program 'Motivasi Kecemerlangan', jelas sekali program ini memfokuskan kepada memberi bantuan dan membimbing pelajar-pelajar secara amnya dan dapat mewujudkan interaksi yang lebih mesra antara mahasiswa Universiti Malaysia Sabah dan pelajar-pelajar sekolah.

